



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

XLVI. De rege Vngarico, & auro, quod ei misit.

**urn:nbn:de:hbz:466:1-41527**

*Nundina Hal-  
lensis.*

bis : insuper omnes pecunias de redditibus earundem partium, ad nos pertinentium, quas colligere poteris, cuncta simul ad nundinas Halle portabis. Nosti enim nobiles puros & preciosos pannos in terra Pomeranorum caros frugum mercatu haud inueniri. Igitur quidquid ex priuata pecunia *su-  
stani* & purpuræ, *brussati*, *Frisali* quoque, seu alterius cuiuslibet optimi generis vel coloris pannorum coemere poteris, in sarcinas concludes, aliasque species gloriosas, & res pulchras emens, omnia his iumentis in Pomeraniam diriges, partim dona maioribus, reliqua verò, cauta venditione habitâ, precium captiuis, quos in barbaras nationes abductos constituerit. Si autem, ut dictum est, ita exsequi potuerimus, nec tu nec ego fructu inanes ac sine mercede in futura vita remanebimus. Hac etenim occasione equituras tuas abstuli.

Abiit homo; & quia fidelis ac strenuus erat, omnia, sicut Episcopus ordinauerat, haud segniter impleuit. Muneratur honestiores, insitor Ottonis; laudatur forum eius, ac distractio populo rudi admirationi fuit & exemplo, cunctique certatim rapientes res duplo emebant, tum pro dilectione Pontificis, tum etiam, quia precium sciebant esse redemptionis.

*De Rege Ungarico, & auro quod  
misi.*

CAPVT XLVI.

*Timon.*

*Elis. Canis.  
lib. 3. cap. 42.*

*De Bela lege  
Bonfinium De-  
cadis II. lib. 6.*



Is omnibus ad votum Episcopi explicitis, eundem Oeconomum mittit ad Regem Hunorum illum beatæ semper memoriæ Belam, qui à patre suo Colomanno Rege, cum patre suo Almo Duce, in diebus adolescentiæ, luminibus priuatus, postea in regnum sublimatus est, oculisque fidei ac sapientia mentis præditus, Rempublicam Vngarorum per annos plures grauiter administravit. Certus itaque de strenuitate ac prudentia Rudolphi Episcopus, cuius memoria in benedictione sit, qui ad

ad omnia studia misericordiae sedulus ei minister erat, ad Regem praedictum Belam, magnum *elemosynatorem* cum literis ac donariis eum direxit, parare amicitias & notitiam societatemque ac parilitatem studiorum in operibus misericordiae, accedere hominem sanctum ad desiderium futurae expectationis, ad gaudium aeternae vitae atque beatitudinis.

Bela ergo, accepto nuntio, auditisque literis Episcopi, spirituali gratia ac diuina consolatione plenus, laetificatus est valde in festiuitate Paschali, quae apud Vngaros etiam, propter ipsius terrae maximam vbertatem, multa epularum largitate splendide ac delicate celebrari solet, magnifice habuit nuncios Ottonis; vitam eius, conuersationem, statum & opera crebro interrogans; miraturque omnia, quae de illo audiuit, magnae felicitati adscribens, quod talis viri notitiam per nuntios, dona & literas accipere meruisset. Consummatis ergo diebus, cum tempus esset dimittendi legatos, multa deuotione sacris Orationibus beati viri Rex sese Deo commendans, dona multiplicat, vasa aurea & argentea, & vestes preciosas mittit: insuper viginti libras excorti auri, specialiter obsecrans, ut has in aliquos diuinos vsus in recordationem sui expendere dignaretur.

Episcopus ergo, acceptis donis & auro, nihil moratus beato Michaëli hoc obtulit; Crucis decus, in nomine *saluatoris* de hoc fieri mandans, additque de suo auri quantitatem & gemmas; & clusorem conducens; in signe trecentas argenti marcas valiturum ad honorem Dei & vtilitatem Ecclesiae fabricatus est.

*Legatio S. Ottonis ad Belam Hungariae Regem.*

*Quomodo Bela nuncios Ottonis acceperit.*

*Rex commendat se precibus S. Ottonis.*

*Eidem ingentia munera mittit.*

*S. Orho dona accepta S. Michaëli offert.*

